

## **В Неделю о блудном сыне.**

**Канон Триоди, творение господина Иосифа.**

**Глас 2:**

**Песнь 1.**

**Ирмос:** *Моисейскую песнь восприимши возопий душе: / Помощник и Покровитель бысть мне во спасение, / сей мой Бог, и прославлю Его.*

**Иисусе Бже,** кающаяся прими ныне и мене, / яко блуднаго сына, все житие в лености живша, / и Тебе прогневавша.

**Еже** ми дал еси прежде, / зле расточих Божественное богатство, / удалихся от Тебе, блудно жив: / благоутробне Отче, прими убо и мене обращающаяся.

**Слава:** Объятия ныне Отеческая простер, / прими Господи и мене, якоже блуднаго, Всещедре, / яко да благодарно прославлю Тя.

**И ныне, Богородичен:** На мне Бже, всю показав благостыню, / презри моих множество согрешений, яко благодетель, / божественными Матере Твоея мольбами.

**Песнь 3.**

**Ирмос:** *Неплдствоваший мой ум, / плодоносен Бже покажи ми, / деятелю добрых, насадителю благих, / благоутробием Твоим.*

**Весь** вне быв себе, / умовредно прилепихся страстей обретателем: / но прими мя, Христэ, якоже блуднаго.

**Блуднаго** гласу поревновав, вопию: / согреших, Отче, якоже онаго убо, / и мене обими ныне, и не отрини мене.

**Слава:** Объятия Твоя простер Христэ, / милостивно прими мя, / от страны дальных греха и страстей обращающаяся.

**И ныне, Богородичен:** Добрая в женах, обогати и мене добрых виды, / грехи многими обнищавшаго Чистая, / яко да славлю Тя.

**Седален, глас 1.**

**Подобен:** Гроб Твой:

**Объятия** Отча отверсти ми потщися, / блудно иждих мое житие, / на богатство неизживаемое взираяй щедрот Твоих Спасе, / ныне обнищавшее мое сердце не презри. / Тебе бо Господи, во умилении зову: / согреших, Отче, на небо и пред Тобю.

**Слава, тойже.**

**И ныне, Богородичен. Подобен:** Безвестная Чистая Богородице Деве, / едина верных представительнице и покрове, / бед и скорбей, и лютых обстояний, всех свободи, / на Тя надежды Отроковице имущих, / и души наша спаси божественными молитвами Твоими.

#### Песнь 4.

**Ирмос:** *Еже от Девы Твое Рождество пророк предзря, / возпроповедаше вопия: / слух Твой услышах и убоялся: / яко от юга, и из горы святыя, приосененныя / пришел еси Христэ.*

Богатство благих, еже дал ми еси Небесный Отче, / расточих зле, странным гражданим порабощен. / Темже вопию Ти: согреших Ти, / прими мя яко блуднаго древле, / простер объятия мне Твоя.

Всякой злобе поработихся, / приникнув окаянно страстей делателем, / и себе вне бых несмотрением, / ущедри мя Спасе, Пренебесный Отче, / прибегающа ко многим Твоим щедротам.

**Слава:** Всякаго студа исполнихся, / не смея возрети на высоту небесную: / ибо безсловесно приникнув греху, / ныне же обращаю вопию умилением: / согреших Ти, прими мя, Всецарю.

**И ныне, Богородичен:** Человеком помощи, упование твердое всем христианом, / прибежище Чистая спасаемым: / спаси мя Дево, матерними Твоими мольбами, / и будущия жизни сподоби.

#### Песнь 5.

**Ирмос:** *Нощи прешедшей, приблизися день / и свет миру возсия: / сего ради хвалят Тя ангельстии чини, / и славословят Тя вся всяческая.*

Поработихся гражданим странным, / и в страну тлетворную отыдох, и исполнихся студа: / ныне же обращаю зову Ти Щедре, согреших.

Отеческая Твоя благоутробия ныне отверзи ми, / от злых обратившуся, Небесный Отче, / и не отрини мене, имеяй премногую милость.

**Слава:** Не смею возрети горе на высоту, / без числа Христэ прогневав Тя: / но ведый Твоя щедроты милостивныя, зываю: / согреших Ти, очисти, и спаси мя.

**И ныне, Богородичен:** Всесвятая Дево благодатная, / очищение всем рождающая, / моих согрешений тяжкое бремя / Твоими молитвами облегчи.

#### Песнь 6.

**Ирмос:** *Во глубине греховней содержимъ есмь Спасе, / и в пучине житейстей обуреваемъ, / но якоже Иону от зверя, / и мене от страстей возведи, и спаси мя.*

Глубина согрешений содержит мя присно, / и треволение грехов погружает мя: / окорми мя ко пристанищу жизни, Христэ Бже, / и спаси мя Царю славы.

Богатство Отеческое расточих люте, / и обнищав студа исполнихся, / порабощен неплодными помышленьми. / Темже Ти вопию: / Человеколюбче ущедри, и спаси мя.

**Слава:** Гладом истаявша всяких благ, / и устранившася от Тебе Всеблагий, / ущедри обращающася мя ныне, / и спаси Христэ, поюща Твое человеколюбие.

**И ныне, Богородичен:** Спа́са и Влады́ку ро́ждшая Христа́, / спасе́ния мя Отрокови́це сподо́би, / обнища́вша от всяких благ, Де́во Чи́стая, / да пою́ Твоя́ вели́чия.

### Кондак, глас 3.

**Подобен:** Де́ва днесь:

Отéческия сла́вы Твоея́ удали́хся безу́мно, / в злых расточи́в е́же ми пре́дал еси́ бога́тство. / Те́мже Ти блу́днаго глас приношу́: / согреша́х пред Тобо́ю, О́тче ще́дрый, / приими́ мя ка́ющася / и сотвори́ мя я́ко еди́наго от наёмник Твои́х.

**Икос:** Спа́су нашему́ на всяк день уча́щу Свои́м гла́сом, / писа́ния услы́шим о блу́дном, и целому́дренном па́ки. / И сегó ве́рою подража́ем до́брое пока́ние, / Веду́щему та́йная всех, смире́нием се́рдца воззове́м: / согреша́хом Ти, О́тче ще́дрый, / и никогда́же досто́йни есмы́ нареши́ся ча́да, я́коже пре́жде. / Но я́ко естество́м сый человеколю́бив, Ты приими́, / и сотвори́ мя я́ко еди́наго от наёмник Твои́х.

### Песнь 7.

**Ирмос:** *Херувимы подражающе отроцы / в пещи ликовствовашу вопиюще: / благословен еси́ Боже, / я́ко истиною и судьбо́м навел еси́ сия́ вся грех ра́ди на́ших, / препе́тый, и препросла́вленный во вся ве́ки.*

Сла́достем телéсным приклоних́ся всеока́нно, / и порабо́тихся весьма́ стра́стным изобре́тением, / и страна́н бых от Тебе́ Человеколю́бче. / Ны́не же зову́ блу́днаго гла́сом: / согреша́х Христе́, не презри́ мене́, я́ко еди́н ми́лостив.

Взыва́ю, согреша́х, ника́коже воззрети́ дерза́я на высоту́ небéсную, Всецарю́, / я́ко в безу́мии еди́н Тя прогне́вах, / отве́ргся Твои́х повелéний. / Те́мже я́ко еди́н Благо́й, / не отве́ржи мене́ от Твоего́ лица́.

**Слава:** Апóстол, Го́споди, и проро́к, и преподо́бных, / и честных мучени́к, и пра́ведных мольба́ми / прости́ ми вся, я́же согреша́х, / прогне́вав Христе́ благода́ть Твою́, / я́ко да песносла́влю Тя во вся ве́ки.

**И ныне, Богородичен:** Херувим я́вльшися, и серафим Богоро́дице, / и всех светле́йшая небéсных во́инств, / с си́ми умоли́, Егóже воплотила́ еси́ Божество́нное Сло́во Всенепоро́чная, Безнача́льнаго Отца́, / я́ко да благ ве́чнующих вси сподо́бимся.

### Песнь 8.

**Ирмос:** *В купине Моисе́ю Де́вы чу́до, / на Сина́йстей горе́, прообразившаго иногда́, / по́йте, благослови́те / и превозноси́те во вся ве́ки.*

Сше́дый на зéмлю спасти́ мир, / во́льною нището́ю за милосе́рдие мно́гое, / обнища́вшаго мя ны́не от всякаго благоде́яния, / я́ко ми́лостивый, спаси́.

От Твои́х за́поведей удали́вся, / порабо́тихся всеока́нно лестцу́: / обраща́ющагося же ны́не, / я́ко блу́днаго дре́вле припада́юща Тебе́, / приими́ Пренебéсный О́тче.

**Благословім Отца́, и Сы́на, и Свята́го Ду́ха, Го́спода.**

Тлетворными помышленьми объёмся омрачѣхся, / и от Тебѣ удалѣхся,  
весь вне себѣ быв Щедре. / Тѣмже в покаянии припадающа Тебѣ спаси.

**И ны́не, и прѣсно, и во ве́ки веко́в, ами́нь.**

**Богородичен:** Богородительнице Чѣстая, / низверженных исправление  
еди́на, испра́ви и мене́ / всякими грехами сокрушеннаго всего́ и смиреннаго.

### **Песнь 9.**

**Ирмос:** *От земнородных кто слы́ша таково́е? Или́ кто ви́де когда́, / я́ко  
Де́ва обрѣтесе во чре́ве иму́щая, / и безболѣзненно Младѣнца порожда́шая? /  
Таково́е Твое́ чу́до, / и Тя, Чѣстая Богороди́це, велича́ем.*

Виждь Христѣ печаль сердца, виждь моѣ обращение, / виждь слѣзы Спа́се,  
и не прѣзри мене́, / но обыми́ па́ки благоутрѣбиа́ ра́ди, / мно́жеству  
спаса́емых Пречѣстая, / я́ко да пою́ благодарно́ мѣлости Твоѣя́.

Я́ко разбо́йник вопи́ю: помяни́ мя, / я́ко мытарь умили́вся, би́ю в пе́рси, и  
зову́ ны́не: очисти́, / я́коже блу́днаго приими́ мя Всеще́дрый, от всех зол  
моѣх, Всецарю́: / я́ко да пою́ Твое́ кра́йнее снизхожде́ние.

Воздохни́ ны́не ду́ше моя́ всеокая́нная, и возопи́й Христу́: / мене́ ра́ди  
волею́ обнища́вый Го́споди, / обнища́вшаго мя от вся́каго благодея́ния, /  
до́брых бога́тством я́ко Благо́й и Многоми́лостивый еди́н обогати́ мя.

**Слава:** Ё́же иногда́ соде́лал еси́ весе́лие блу́днаго, Бла́же, обращением  
во́льным, / си́е ны́не сотвори́ и на мне ока́янном, / простира́я ми честна́я  
Твоѣя́ объ́ятія. / Да спа́сся песносло́влю кра́йнее Твое́ снизхожде́ние.

**И ны́не, Богородичен:** Све́тлыми моли́твами Твоѣи́ Де́во, / мѣсленная  
моѣ очеса́ омраче́нная зло́бою, просвети́, молю́ся, / и к путе́м покая́ния  
введи́ мя, / я́ко да до́лжно Тя песносло́влю, / па́че сло́ва Сло́во  
воплоти́вшую.

**Ексапостиларий настоящий Триоди.**

**Подобен:** Жены́ услышите:

Богатство, е́же ми дал еси́, благода́ти, ока́янный отше́д, / непотрѣбно зле  
ижди́х, Спа́се, блу́дно пожив, / де́моном льсти́вно расточи́х. / Тѣмже мя  
обраща́ющася, / я́коже блу́днаго приими́, Отче ще́дрый, и спаси́.

**Иный, подобен:** Расточи́х богатство Твое́ иждив, Го́споди, / и лука́вым  
де́моном повину́хся ока́янный, / но Спа́се Всеблагоутрѣбне, / блу́днаго  
ущѣдри, и оскве́рншася очисти́, / пе́рвую отда́й мне оде́жду Твоего́  
Ца́рствия.

**Богородичен, подобен:** Свята́я Ма́ти Де́во, ве́лие проповѣдание  
апѣстолов, / мучеников, и проро́ков, и преподо́бных, / Твоего́ Сы́на и  
Го́спода / умѣлостиви нам, рабо́м Твоѣм, Богородительнице, / егда́ сядет  
судити́ по досто́янию коего́ждо.